

Վարչական տույժ նշանակելու մասին

«07» փետրվարի 2023թ

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով ԻԻՀ քաղաքացի Աբբաս Սալմանի Ղամարիգարգարի (անձնագիր՝ B48970665, հասցե՝ ԻԻՀ, Ջուլֆայի շրջան, ք.Հադիշահիր, Իմամ պողոտա, Նուր փողոց, տուն 7) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

Թիվ 05100010/240123/001351 տարանցման հայտարարագրով /թիվ 05100010/240123/0006448 ապրանքների հայտարարագիր/ ՀՀ-ից վերաարտահանվող 42320 կգ դիզելային վառելիքից 2620 կգ-ը հանձնվել, օտարվել, ոչնչացվել կամ կորցվել է:

Նշված փաստի առթիվ ԻԻՀ քաղաքացի Աբբաս Սալմանի Ղամարիգարգարի նկատմամբ Հայաստանի Հանրապետության պետական եկամուտների կոմիտեի Հարավային մաքսատուն-վարչության Մեղրիի մաքսային կետ-բաժնի ավագ մաքսային տեսուչ-իրավաբանի ժթպ-ի կողմից 27.01.2023 թվականին հարուցվել է մաքսային կանոնների խախտման վերաբերյալ վարույթ՝ Մաքսային կարգավորման մասին ՀՀ օրենքի 308-րդ հոդվածի հատկանիշներով, այն է՝ առանց մաքսային մարմնի գրավոր թույլտվության մաքսային հսկողության ներքո գտնվող ապրանքները կամ տրանսպորտային միջոցները մասնակի կամ ամբողջությամբ հանձնելը (բացառությամբ ֆիզիկական անձանց կողմից անձնական օգտագործման տրանսպորտային միջոցները հանձնելու դեպքի), օտարելը, ոչնչացնելը, ինչպես նաև մաքսային հսկողության ներքո գտնվող ապրանքները կորցնելը:

Վարչական վարույթի շրջանակներում հանձնված ապրանքի մաքսային արժեքը և մաքսային վճարների չափերը պարզելու նպատակով՝ թիվ 30 մտից համարի զեկուցագրով հարցում է կատարվել ՀՄՎ համապատասխան ստորաբաժանմանը:

ՀՄՎ մաքսային գործառնությունների բաժնի թիվ 32 տեղեկանքի համաձայն՝ 27.01.2023 թվականի դրությամբ 2620 կգ դիզելային մաքսային արժեքը կկազմեր **1 150 630 ՀՀ դրամ**, իսկ մաքսային վճարները՝ 366728 ՀՀ դրամ:

Քաղաքացի Արբաս Սալմանի Ղամարիգարգարին առձեռն պատշաճ ծանուցվել է գործի քննության օրվա, վայրի և ժամի մասին, սակայն չի ներկայացնել գործի քննության, գրավոր դիրքորոշում կամ բացատրություն չի ներկայացրել:

Մաքսային կարգավորման մասին ՀՀ օրենքի 301-րդ հոդվածի համաձայն՝ մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Վարչական վարույթի նյութերի ուսումնասիրությունից պարզվում է, որ Իրանի Իսլամական Հանրապետության քաղաքացի Արբաս Սալմանի Ղամարիգարգարին 2620 լիտր դիզելային վառելիքը հանձնել, օտարել, ոչնչացրել կամ կորցրել է:

Մաքսային կարգավորման մասին ՀՀ օրենքի 308-րդ հոդվածի 1-ին մասի համաձայն՝ առանց մաքսային մարմնի գրավոր թույլտվության մաքսային հսկողության ներքո գտնվող ապրանքները կամ տրանսպորտային միջոցները մասնակի կամ ամբողջությամբ հանձնելը (բացառությամբ ֆիզիկական անձանց կողմից անձնական օգտագործման տրանսպորտային միջոցները հանձնելու դեպքի), օտարելը, ոչնչացնելը, ինչպես նաև մաքսային հսկողության ներքո գտնվող ապրանքները կորցնելը՝ առաջացնում է տուգանք՝ այդ ապրանքների և տրանսպորտային միջոցների մաքսային արժեքի երեսուն տոկոսի չափով:

Ելնելով վերոգրյալից և ղեկավարվելով Մաքսային կարգավորման մասին ՀՀ օրենքի 308-րդ, 301-րդ, 332-րդ, 334-րդ հոդվածի 1-ին մասի 1-ին կետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածներով,

Ո Ր Ո Շ Ե Ց Ի

1. Քաղաքացի Արբաս Սալմանի Ղամարիգարգարին Մաքսային կարգավորման մասին ՀՀ օրենքի 308-րդ հոդվածով սահմանված մաքսային կանոնների խախտում

կատարելու համար ենթարկել վարչական պատասխանատվության՝ տուգանել 345190 ՀՀ դրամ:

2. Որոշման մասին հայտնել քաղաքացի Աբբաս Սալմանի Ղամարիզարգարիին:

3. Մաքսային կարգավորման մասին ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից:

4. Մաքսային կարգավորման մասին ՀՀ օրենքի 334-րդ հոդվածի 4-րդ մասի համաձայն Վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

Սույն որոշմամբ նշանակված տուգանքի վճարման հաշվեհամարն է. 900005024055՝ 345190 ՀՀ դրամ, նշել 30 կողք:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ

ԱՐՏԱՇԵՍ ՂԱՄԲԱՐՅԱՆ

